

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

De Annunciatione genitricis Dei Mariæ.

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

micos & destruens impios. Et in secundo Thalmud affirmant, quod Dominus noster Iesu Christus maxima in inferno tormenta patiatur. Non est mirum Christiani, si nos bello, fame, siti, grandine, pruina Christus affligat: si nos populum suum, precioso suo sanguine redemptum, semper ad deteriora labi sustineat. Cum patiamur inter nos regnare inimicos eius, quid questo hoc est aliud, quam sa crosancta fide despecta, eius perpetuis hostibus adhærere? Natus est Simon, de quo agimus, die Veneris 6. Calend. Decembris, anno à parte virginis salutifero 72. supra millenum quater centenum, ex Andrea & Maria parentibus pauperrimis, D. Iohanne Hinderbach quarto pontifice & domino Tridentino imperante feliciter. Ob quam rem Iudei omnes à maiore usque ad minorem, in carcerebus catenisque conclusi sunt, non inde recessuri prius, quam debitas poenas luant. Valete. Tridenti 2. Non. Aprilis, 1475.

Iudei oēs
in carceres
conieci.

SANCTI PATRIS NOSTRI ANDREÆ ARCHI-
EPISCOPI CRETAE HIEROSOLYMITANI, IN AN-
nunciationem sanctissime Domini nostre Dei genitricis Oratio,
Habetur in Metaphrase,

25. Martij.

Hominis
præstantia.Materia
gaudiorum
huius duci.

Duénit hodiē omnium gratia, quæ primam illam execrationem soluit. Passim aduénit, ut omnia gaudio repleret. Quomodo autem aduénit? Non satellitibus, non exercitu angelorum stipata, non ostentans aduentum suum, sed silentio & quietem adhibens, ut lateret principem tenetarum, & arte sapientiae serpentem irretiret, draconemque decipiens, id est, mentem illam Assyriam, quæ in seruitutem suam omnem nobilitatem humanam redegerat, spolia ipsi detraheret. Neque enim infinita eius erga nos misericordia tam præclarū manuum suarum opus, nempe hominē, propter quem cœlos condiderat, terram firmauerat, aërem diffuderat, mare extenderat, & omnia, quæ sub adspectum cadunt, procreārat, affici detrimento sustinuit. Idcīcō Deus in terra, Deus ē cælo, Deus in hominibus, Deus in Virginis utero gestatur, qui nusquam concluditur.

Hinc hominis natura lœtitia dicit exordium, & diuinæ conditionis initium sumit. Hinc multiplices suas à peccato natura diuitias separans, creatori, tanquam sponsa, exornatur. Hinc renouationem suscipit nostra formatio, & senex mundus contractam ex peccato veruastem deponit. Lætetur cælum desuper, & nubes pluant iustitiam. Stillent montes dulcedine, & colles exultent, quoniam misertus est Deus populi sui. Hodie enim mysterium, quod ante secula absconditum fuerat, declaratur, & omnia in Christo perfectionem recipiunt. Hodie rerum omnium potentia procreatrix, consilium, quod diobi in illis procreādis proposuerat, ad exitum perducit, ut malitia principis dolos ab initio excogitatos destruat. Itaque lætantur homines, gaudent angeli, & recreatus in seredit orbis vniuersus. Quæ mens hæc concipere? Quæ lingua explicare? Quæ oratio sequi, aut auris percipere valeat? Merito igitur diem hunc faustum lætum quæ dicimus, quo nostri generis massam à Deo assumptam celebramus. Ex quo lætitia gestit omnis creatura, & humana natura excitatur.

Hodiè lætitia nuncius affertur? Dei erga nos benignitatis patet indicia, mundi totius salus ostenditur. Vnde nam, & à quo, & cui affertur hic nuncius? E cælo & à Deo, & Virgini viro desponsata. Quæ nam hæc virgo? Ecquis iste vir? Et quibus nominibus appellantur? Illa quidem Maria, hic aut̄ Ioseph. Ambo ex genere Dauidis. Quo internuncio hæc gesta sunt? Et vnde is venit? Archangelo Gabriele, qui ab altissimo missus, rem admirabilem nunciauit. Oportebat enim, ut minister altissimi, ex altissimis in terram proficiens, maximè omnium admirandum mysterium indicaret. Quod nam mysterium? Dei submissionem, arcana seruandi generis nostri rationem, absconditum à seculo Diuinæ voluntatis prouidentiæ quæ consilium. Sed ubi hæc, & quandò, & cuius gratia? In Nazareth ciuitate Galilææ, sexto mense, ex quo Iohannes conceputus fuerat, ut venientem, dum adhuc in utero gestaretur, nunciaret. Gabriel igitur ab æthereis sedibus ad terrestrem Dei thalamum deuolans, & ad Virginem accedens sine strepitu, virginis partus arcum significauit.

Hoc inter Deum atque homines reconciliationis mysterium, Dei cum hominibus

con-

ORATIO IN ANNUNCIACTIONEM B. MARIAE &c.

391

coniunctionem, assumptæ carnis diuinitatem, imaginis nostræ instauratiōnem, & mutationem in melius; atque sublimem in cælos exaltationem hodiè celebramus. Quam-
obrèm omnia incredibili gaudio exultat. Latatur omnis celestium Virtutum chorus,^{Angeli hō-}
quibus gratum est, quod Deo simus reconciliati, & meliorem in statum perducti. Be-^{mines val-}
nigni enim admodum sunt, & hominum amates ac studioſi, quippe qui in ministerium
mittuntur corum, qui salutis hæreditatem sunt accepruti. ^{dē amant,}
^{Hebr. 1.}

Res igitur omnes hodiè larentur & gaudeant, triumphet ipsa natura. Aperitur enim celum, & terra ratione inuisibili suscipit orbis regem. Nazareth imitatur Eden, & ipsius Eden plantatorem in sinum suscipit. Pater misericordiarum abiecit naturam humana vñigenito filio desponderet suo. Et Gabriel mysterio inservit, ac Virginis succinit il-
lud, A V E! vt letitiā, quam prima parens Eva perdidit, filia Adam, orta ex Dauidis stirpe, restituat. Hodiè gloria pater genus humanum cōmiseratus, naturam in Adam corruptam, benignis oculis intuetur. Hodiè clementia largitor, clementium viscerum suorum abyssum patefacit, & naturæ misericordiam effundit, vt aquæ copia maria conte-
gat. Consentaneum enim erat, vt is, ex quo, & per quem, & in quo omnia cōsistunt, antiqæ contra nos execrationis sententiam misericordia commutaret, & gloria sua na-
turam, quæ in Adam fœdata fuerat, honestaret, & perniciosum patris mendacij consili-
um, quo primi parentes nostri ceciderant, excluderet. Ideò magnus inter reges, ac di-
uinus pater Dauid-Misericordia, inquit, & veritas obviauerunt sibi, iustitia & pax oscu-
latæ sunt. Cur dixit hæc? An vt filii misericordiæ ex bona patris voluntate, qua nostrî mi-
seritus ipse misericordia dator, factus est, excepto peccato, quales nos sumus, & veritatē
aduentus eius ad nos, significaret? Neque enim, vt aliquis fortè suspicatur, simulata ex
nobis humanitatem assumpsit, sed veram. Benigne enim & humano more, ex hominis
essentia sumpsi essentiam, qui omni est essentia præstatori, & totam naturam nostram
in seipso diuinam reddidit, neque dispensationem finxit, sed carnis veritatem suscepit, exaltata,
diuinitate ipsius aliena ab omni mutatione permanente.

Quoniam igitur misericordia & veritas (vt prophetia testatur) obviauerunt sibi, me-
ritò iustitia & pax osculata sunt. Iustitia quidem, quæ aduersus eum, à quo primi paren-
tes iniuria affecti fuerant, sententiam tulit. Quandò? Et apud quem? Hodiè, & apud al-
tissimum patrem, qui natura benignus & hominū studiosus, dignum duxit, vt filius suis
vñigenitus humanam formam indutus, aduersarium condemnaret. Pax autem, quam
è cælo repente chorus Angelorum in ortu pacifici filii secundum carnem decantauit:
Gloria, inquiens, in altissimis Deo, & in terra pax, in hominibus bona voluntas. Gloria ^{Luc. 2.}
nimirum, qua humana natura per Christum super cælos euecta est, & super omnē prin-
cipatum, & potestatem, & virtutem, vt magnus inquit Apostolus. Pax autem, qua me-
dius ipse conciliator intercessit, terrestribus celestia coniungens, & nouam in cælum
redeundi semitam mortalibus patefaciens. Bona porro voluntas, qua Patri placuit di-
lectum filium ad nos damnatos mittere: qui salutē nostram patri in ipso approbatam,
eiusdem cum patre volūtatis expleret. Hoc nos hodiè celebramus. Hoc Gabriel man-
datum exequitur, & diuinitati atque humanitati nuncius est, eccl̄ cōciliationisque pignus
affert ad Virginem.

Nam misericordiarum pater genus nostrum, peccati labore iam corruptū, miseratus,
meminit operum manuum suarum: nec pasiū est, vt in perpetuū periremus. Primiū
legem tabulis lapideis inscriptam Moysis manibus imposuit. Quæ quidem lex cùm ni-
hil admodum proficeret, viros diuino spiritu afflatos, nempe Prophetas futura prospic-
ientes ac denunciantes misit, qui rectas Dei semitas demonstrarent. Verū cùm ij, ad
quos misit fuerant, sensibus occlusis, nihilominis in peccatis iacerent, nō despexit opus
sapienciaque ac bonitatis genitum misit ad nos indignos, ad quos fines seculorū deue-
nerunt. Satiū enim esse duxit, vt peccatorum salutē perageret, quām vt opus à se con-
fectum despiceret. Vni igitur ex præstatoriis Angelis mandat, vt mysteriū exequatur,
& amplitudinis suæ nutu sic illi, vt arbitrör, imperat. Agè Gabriel, abi in Nazareth ciui-
tatem Galilææ, in qua puella virgo habitat, nomine Maria, viro, qui vocatur Joseph, de-
sponsata. Abi, inquit, in Nazareth. Quid ita? Vt Deo gratissimū virginitatis decus, tan-
quām suauissimā rosam, ē spinosa regione decerpatur Omnipotens. Epropter propheta-
tiam, quæ Nazaræum vocatū iri prædixit. Quem? Eum, qui à Nathaneèle postea Dei fi- ^{Iohan. 1.}
lius, & rex Israël vocatus est. Solet vriq; Gabriel in Dei mysterijs minister adhiberi, vt pa-
tet in Daniele. Abi igitur in Nazareth ciuitatē Galilææ, cūm q; illuc perueniri, hūc pri- ^{Dan. 8. & 9.}
mum

mum Virgini lētitiae nunciū affer; quem Eua iam amisit. Cae perturbes animum eius? Gaudij enim, non mōroris, hoc est indicium. Solati, non perturbationis, hāc est salutatio. Quod enim maius humano generi gaudium esse potest, quām vt fiat diuinæ particeps naturæ, & vnum cum Deo propter coniunctionem in persona efficiatur? Quid porrò admirabilius, quām Dei submissionē eiusmodi videre, vt in mulieris vtero gestetur? O rem maximē omnium admirandam. Deus, cui cælum sedes est, terra autem scabellum pedum eius, quem celi non capiunt, qui idem, quod pater, solium habet æternitatis, in Virginis vtero concluditur. Quid maiore dignū admiratione, quām Deum sub hominis forma à propria diuinitate non deficiērem intueri? Et humanam cernere natūram, tōram omīnō cum suo creatore coniunctam, vt totus homo Deus eudat?

Ela. 66. Gabriel igitur, cūm hāc audīset, mandatumque diuino nutu confirmatum, sed viribus suis maius accepisset, inter metum atque lētitiam dubius hērebat, cūm nec sibi ipse fideret, nec iubent repugnare tutum existimaret. Quamobrēm diuina iussa faciliens, ad Virginem deuolauit. Cumque Nazareth peruenisset, ad domunculam constituit, & cogitabundus atque hāsitans, hāc secum ipse, vt arbitror, volutabat; Quomodo quāmīhā Deo mandata sunt, perficere aggrediar? Celeriter in thalamū introcam? At anum Virginis perturbabo. Tardiūs ingrediar? At puella introitum abscondere me voluisse iudicabis? Fores ne pulsē? Quo pacto, cūm id non sit Angelorum proprium, nec quicquam eorum, quāc continent, aut continentur, impeditre possit ea, quāc corporis sunt experia? Ostium aperiam? At mihi, vel ostio clauso, licet ingredi. Vocem ne Virginem nomine? At illi terrorēm inijeciam. Sic igitur faciam. Ex illius, à quo mis̄sum, voluntate gressum meum moderabor. Hoc enim illi propositum est, vt genus seruet humanum. Quod quidem reconciliationis consilium vt nouum est & admirabile, sic est benignitatis & clementiæ plenum. Quomodo igitur ad Virginē accedam? Gaudium illi nunciabo? An Dominum in ea dicam esse? An spiritū aduentum, aut altissimi obumbrationē significabo? Gaudiam igitur illi nunciabo, indicabo mysteriū admirabile, accedam, salutabo, succinam vocem hanc, Aue, Gaude, Lētare. Aptum ad fidutiām principium est, salutatio. Hoc verbum mihi Virginem alloquendi aditum patefaciat. Nihil enim illi timoris potest inijecere? quinetiam animum eius leniet. Sic igitur exordiar, vt primū illi gaudij & lētitiae nuncium afferam. His enim verbis decet Reginam salutare. Nam hoc est gaudij negocium, tempus lētitiae, trāquillitatis imperium, consilium salutis, initium consolationis. Hāc ipse secum Archangelus.

Maria regi na.

Epitheta insignia S. Marie.

Gen. 1.

Exod. 16.
Deut. 32.
Ela. 6.

Angeli salutatio. fores appropinquauit. Cumque iam esset intus, miti voce Virginem alloquens: Aue, inquit, gratia plena. Dominus tecū. Qui est ante te, hodiē tecum est, & paulo pōst erit ex te. Illud quidem ab omni ēternitate, hoc autē in tempore. O immensam humanitatem, & benignitatē incredibilem. Nō fuit satis gaudium indicāste, nisi ipsum gaudij auctorem inesse Virginī significaret. Illud enim, Dominus tecū, perpicue Regis præsentiam declarat: qui sic ex ipsa corpus assumit humanum, vt à propria gloria non recedat, Aue gratia plena! Dominus tecum. Gaude lētitiae instrumētum, per quod tristis execrationis sententia in lētum gaudij iudiciū commutatur. Gaude, verē benedicta. Gaude, Virgo præclarissima. Gaude, ornatissimum diuinæ gloriæ templum. Gaude, sacrosanctum regis palatium. Gaude thalame, in quo sibi Christus humanitatē spōsam adiūxit. Gaude, clecta à Deo antē, quām genita. Gaude diuinū inter Deum atq; homines conciliationis perfugium. Gaude, thēsaure vitæ immortalis. Gaude cœlum, in quo Sol gloriæ splendet: domicilium cœlo præstantius. Gaude vnicum illius, qui nusquam capit, amplissimū habitaculum. Gaude sancta terra virginēa, ex qua nouus Adam formatu, qui veterem Adam seruet. Gaude fermentum sanctum ac Deo gratum, ex quo totius generis humani massā fermentatur, & in vnius corporis Christi panē euadit, & admirabilioratione coagmentatur. Aue, gratia plena; Dominus tecū, qui dixit: Fiat lux, & facta est lux. Fiat firmamentū, & factum est: cuius denique amplitudinis opera sunt omnia, quā facta sunt. Gaude, gaudij mater sempiterni. Gaude, noua Dei arca, in qua Dei spiritus conuiēcit. Arca, in qua noster Noē Christus humanitatem seruauit. Arca, in qua nouæ gloriæ sanctificatio, & qui natura sanctus est, in virginēa naturæ officina corpus sibi ratione mirabilē fabricatus est: non deponens id, quod erat (est enim immutabilis) sed assumens id, quod non erat (est enim benignus, & hominum amantissimus.) Gaude verna aurea, quā contines illū, qui dulce manna & mel è petra ingrato populo subministravit. Gaude, Seraphica mystici carbonis ardentiſ forceps. Salve spiritale cogniti-

cognitionis perspicuum speculum, per quod Prophetæ infinitam erga nos Dei submissiōnem mysticè varicinati sunt. Gaude speculū, per quod iustitię Solem venientem ē cælo suscipiētis iij, qui densis in tenebris peccati verabantur, illuſtrati sunt. Salutē Prophētarū & Patriarcharū omnīū decus, & clarissima arcana præcognitionis humanę tuba.

Benedicta tu in mulieribus, & benedictus fructus ventris tui. Et meritò <sup>Maria be-
nedicta.</sup> benedixit enim te Deus tabernaculum suum, quoniam paternæ gloriæ plenum Christum Iesum, hominem eundem & Deum in ijs, ex quibus & in quibus naturis consistit, admirabili ratione in vtero tuo gesisti. Benedicta tu in mulieribus, quæ cælestem thesaurum, in quo sunt omnes thesauri sapientia & scientia Dei reconditi, in sacro virginitatis tuæ penu sine angustia comprehendisti. Tu verè benedicta es, cuius vterus areæ cumulus est, quia benedictionis fructus, immortalitatem spicam Christum, sine semine, sine cultoris labore, multiplicem frugum innumerabilium messem, nostræ salutis agricultoræ produxisti. Tu verè benedicta, quæ sola ex omnibus matribus creatori tuo mater electa es, & quod est matrum omnium proprium, ignoras? cuius quoquæ excellentia virginitatis, maternis doloribus corrupta non est, virgineo germine tuo signa tua castitatis integra conseruante. Tu verè benedicta, quæ sola sine viri coniunctione filium genuisti, qui calos condidit, & terram virginitatem tua celis exæquauit. Benedicta tu in mulieribus, quæ sola benedictionē suscepisti, quam Deus per Abraham gentibus omnibus promisit. Tu verè benedicta, quæ sola benedicti filii Iesu Christi & Salvatoris nostri declarata es mater, per quam clamat gentes. Benedictus qui venit in nomine Domini. ^{Psal. 117.} Benedictum nomen gloria eius in secula! & Implebitur gloria eius omnis terra, fiat, fiat. Benedicta tu in mulieribus, quam beatā dicunt omnes generationes, quam reges honorant, principes venerantur, diuites populi obsecrant, virgines, quæ vel præcesserunt, vel sequuntur, in templum Regis comitantur. Benedicta tu in mulieribus, quam Elaias oculis propheticis adspiciens, prophetissam, & virginem, & laterem, & locum, & caput libri obsignatum arcana ratione nominavit. Benedicta tu verè, quam Ezechiel auroram, & portam conclusam, per quam solus Deus ingressus est, & rursùm Ezech. 44. conclusam appellauit. Tu sola verè benedicta, quam vir desideriorum Daniel montem Dan. 2. vidit. & Abacuc admirabilis montem opacum. Montem quoquæ Dei, montem pin- Haba. 3. guem, montem coagulatum, montem, in quo placitum est Deo inhabitare, te tuus ille progenitor atque rex propheticè decantauit. Benedicta tu in mulieribus, quam Zeph. 67. charias rerum diuinarum inspector eximius, candelabrum aureum vidit, septem lucer- Zach. 4. nis & septem infusorijs, id est, septem spiritus sancti muniberis, exornatum. Tu verè benedicta, quæ tanquam paradisus, intra te contines ipsius Eden plantatorē Christum? qui infinita virtute ex almo vtero tuo prodiens, instar fluuij, quatuor principijs per Euangelium rigat faciem vniuersitatem terræ.

Benedicta tu in mulieribus, & benedictus fructus ventris tui. Fructus, ex quo proto- ^{Benedictus} platus Adam vescens, euomper veterē illam potionem, per quam fraudis venenum hau- <sup>fructus Ma-
riae.</sup> sit. Fructus, ex quo ligni amaritudo dulcescit, qui expurgat humanitatem, qui vero Isra- ēl fontes vberimis præbet in solitudine, qui aquas amaras efficit dulces, & nouum panis ac cibi imbreu mitterit. Benedictus fructus, qui ex incorrupta virginie vteri plāta maturus racemos extulit. Benedictus fructus, ex quo fontes emanant aqua salientis in vitam æternam. Fructus, ex quo vitalis panis Dominici corporis, & salutare immortalitatis poculum conficitur. Benedictus fructus, quem omnis lingua cælestium, terrestrium & infernorum celebrat triplici sanctitate, in una diuinitate Trinitatē indicans personarum. Benedicta tu in mulieribus, & benedictus fructus ventris tui.

At illa turbata est, inquit, hoc sermone, & secum ipsa cogitabat, qualis esset ea salutatio. Non incredulitate, (ab)ſit, sed orationis potius nouitatem cōmota. Mirabile enim vaticinium videbatur. Neque diffidentia substituit, vt ante fecerat in adytiis Zacharias, Luc. 1. Quamobrèm poena illi ex procreandi instrumentis ad ea, quæ ad loquendum pertinēt, translata est, & qui prius liberis caruerat, tum loquendi caruit facultate. Sed cū esset ab omni repræhensione remotissima, & ab hominum coniunctione & confuetudine aliena, cumque assidue in rerum cælestium contemplatione versaretur, ex ea salutatione non potuit non commoueri. Etenim cū minimè esset audax, & ad loquendū ^{Prudentia} velox, acri prius rationis iudicio, quæ dicebantur, expendit, nè temere & inconsideratè responderet. Quod sapiēter admodum indicauit Euangelista; Cogitabat, inqui- ^{sacratissimę} ens. Purę mentis examine Angeli verba perpendebat, nè illa sine iudicio susciperet. Quæ nam, dicebat, hæc est salutatio? Consentaneum enim est eam, ut potè nobilem & Dauidis

Gen. 3.

Dauidis filiam, diuinarū scripturarum non fuisse ignaram, & animum statim ad primā matris casum connertisse, cogitasseque quomodo decepta corruisset; & mente veteres alias eiusdem generis historias compræhendisse. Non immerito igitur eam Euangelista cogitabundam descripsit. Sed vt prudentiam ipsius declararet, stabilem etiam mentis constantiam adiunxit, quæ respondendo nondūm assentiretur, propterea quod illi de rei æquitate consideranti non constaret. Turbationem igitur Virgo sedare studens, orationem non adhibuit, sed gestu solo parumpēr dubitationem significans, animi habitum & morum probitatem demonstravit, secum ipsa cogitans, qualis esset ea salutatio. Sola ne ego, dicebat, inter mulieres naturæ ordinem immutabo? Ego' ne sola ventris fructum feram sine viro congressu? Qualis hæc est salutatio? Quis mihi nuncium hunc attulit? Vnde ingressus est? Homōne est iste, qui loquitur? At corporis expers videtur. Angelusne? At loquitur ut homo. Quid illud, quod vdeo, sit, ignoro? & de eo, quod loquitur, dubito.

Angelus cō-
firmat vir-
ginem.

Quid igitur Gabriel? Ut Virginis turbationem animaduerterit, ad nihil aliud attendens, statim vocē emisit, & Nē timeas, inquit, Maria! inuenisti enim gratiam apud Deū, quam amisit Eua. Gratiam dicens, animo dubitationem ademit: & quod fieri non posse videbatur, adiūciens: Inuenisti gratiam apud Deū? fecit, ut credibile esset: & Virginis metum eripuit. Nē timeas, Maria: non sunt hæc fallentis verba? non venio, vt te decipiam? non loquitur fallax serpens? è terra tibi non loquor? sed bonum ex altissimis nuncium affero? nec bonum tantum, sed lātitia plenum. Non ludicra, nec tristis hac est salutatio. Dominus tecum, qui omnis lētitię largitor est, & mundi saluator vniuersi. Tecum est, qui de sinu patris non recedit, & in vtero tuo concipitur. Gratia plenam te appellaui, ut mysterij gratiam in te existentis significarem. Gratia plenam te esse dixi, quoniam totam gratiam suscipis in vtero tuo, & stolam verè diuinarum gratiarū splendore decoratam. Dominus tecum, adieci, ut potētiā in te præcurrentis declararē. Dominus enim est Deus potens, & princeps pacis, & pater futuri seculi, idemque tuus, ô Virgo, filius atque omnium Saluator. Dominus tecum, gratia, & veritas tecum. Dominus quidem legis, pater autem gratiæ, & veritatis fons. Nē timeas, Maria? Dominus tecum. Qui omnium dominationum est princeps, qui patris lumenum filius est, qui sine principio ab ipso genitus est, in tempore ex te nascitur. Qui sursum totus est in sinu patris, is deorsum totus est in vtero tuo. Ipse tecum & in te est. Adueniens enim in te desiliit, & in vterum tuum ingressus est, atq; in te compræhendi voluit, qui natura compræhendi non potest. Nē timeas, Maria: inuenisti enim gratiam apud Deū. Gratiam, quam non suscepit Sara, quā Rebecca nō inuenit, quam Rachel ignorauit. Inuenit talēm gratiam, qualem Anna, licet fuerit exaudita, non habuit. Tu sola ita mater es futura, ut simul etiam virginitatis decus retineas. Nē timeas igitur, inuenisti enim gratiam apud Deū. Gratiam, quam nemo vñquam accepit. Quæ nam talis esse queat apud Deū gratiæ præstantia? Inuenisti enim gratiam apud Deū. Ecce concipies in vtero, & paries filium, & vo cabis nomen eius Iesum. O rem admirabilem. Primum illi dubitationis causam ademit, deinde rem explicauit. Vide autem, quā multa quā pauca exequatur. Metum eripit, gratiam indicat, conceptus rationem exponit, partū pronuntiat, filii nomen declarat.

Esa. 9.

Neque verò hīc constitit, sed vt amplitudinem eius maiestatis ostenderet, si biecit? Hic erit magnus, & filius altissimi vocabitur? & dabit ei Dominus Deus sedem Dauid patris eius, & regnabit in domo Iacob in æternū, & regni eius non erit finis. Cernis quomodo Virginis metum abstulerit? Cernis quantoperè animum eius confirmārit? Cūm enim altissimi filium dixisset, patrem orituri Dauidem nominauit. Statim igitur erectus est animus Virginis, vt indicant ea, quæ sequuntur. Sed eius prudentiam considera, quæ cūm hac audisset, & immutabilem diuinæ volūtatis potentiam cognosceret, ad Angelum. Quomodo, inquit, fiet istud, quoniam virum nō cognosco? Noua, inquit, mihi & quæ naturam superant, nuncias. Nuptiarum sum expers. Desponsata enim sum, sed non cum viro coniuncta. Ioseph sponsūm tantum, non autem maritum agnosco. Domo, non leto, mihi iunctus est. Fœcundus quidem est venter, sed non cultus. Quomodo erit mihi hoc, quoniam virum non cognosco? Méne solam natura sine viro coniunctione matrem declarabit? Egōne præter naturam sola nouum atque inauditum naturæ partum edam? Nuptiæ non præcesserunt, virum experta non sum: Ioseph non maritum, sed sponsūm & custodem tantum agnosco. Et quomodo erit mihi hoc?

Respondit Gabriel, & responsionis sublimitate Virginis diluit dubitationē? Cur hæc dicis,

Prudentia
S. Mariae.

dicis, Virgo beatissima? Ego ē cālo veniens, celestis affero ntincium conceptionis. Non de terra loquor tibi. Dixi, Dominus tecum? & tu dubitas, quomodo id tibi sit futurū? Ego eum, qui adūtrum meum antecedit, in vtero tuo nuncio? & tu mihi de viro, de que terrena loqueris generatione? Et dicens: Quomodo erit mihi hoc? Quomodo hoc erit tibi? Cogita, quomodo virga floruerit? quomodo petra copiam aquarum effuderit? Num 17. Exod. 17. Exod. 3. quomodo ignis in rubo ardens eum non combusserit. Quæ si credis? & id, quod nuncio, crede. Is enim hoc faciet, à quo & illa facta sunt. Noua, & præter naturam ratione mater es futura. Non vt Elisabeth, non vt Anna, ex qua tu orra es. Illæ enim ex viro-
rum semine factæ sunt matres? tu autem sine viri coniunctione paries eum, qui sine se-
mine in te inhabitat. Quod si modum requiris, eum quoquè tibi declarabo? Spiritus
sanctus superueniet in te, & virtus altissimi obumbrabit tibi. Non enim ex voluntate
viri, neque ex voluntate carnis gignetur. Nulla carnis voluptas intercedet. Naturæ
enim terminos superat. Quanvis enim naturalis conditionis omnino non sit expers
futurus, quem paries? præstantiori ratione concipitur, & sine villa perturbati-
one, quemadmodum & ab aeterno sine perturbatione genitus est. Spiritus sanctus
superueniet in te, & virtus altissimi obumbrabit tibi. Considera, quomodo Trinita-
tis mysterium declaretur. Spiritum enim sanctum inquiens, non alium, quam para-
clenum indicauit. Nam virtus aperte filium significat. Vox autem illa, Altissimi, Patris
personam declarat. Illud verò, Obumbrabit tibi, mihi videtur innuere id, quod anteā
propheticis oculis Abacuc viderat, cùm montem vmbrosum Virginem appellauit, Haba. 3.
quasi obumbrantem illi Patris virtutem describens, & arcum sibi tabernaculum
efficientem in carnis assumente ratione, qua sibi templum corporis nō manu factum,
in vtero Virginis, ab omnibus maculis alieno atque integerrimo ipse Dominus fa-
bricauit. Id quod ex sequentibus patet. Ait enim: Ideoque & quod nascetur ex te
sanctum, vocabitur filius Dei. Qui enim ex sancto Spiritu per sanctum Patrem diuina
ratione formatur Puer, merito sanctus erit, & filius altissimi vocabitur, cùm altissimi
sit Verbum sempiternum.

Dilucidè igitur Virgini demonstratum est, quid, & vnde, & quale id, quod in ipsa
conceptum est. Nempe sanctum, & ex ipsa, & filium Dei esse, quem pariet. Verum vt
clarius adhuc & expressius ostendat Verbi virtutem, Elisabeth exemplum adducit.
Quasi diceret; Qui ventrem in vetula præter spem foecundum efficere potuit, virgi-
nem etiam poterit præter natura rationem matrem reddere. Atque ita subiicit:
Quoniam non erit impossibile apud Deum omne verbum. His virgo auditis, & in-
habitantis spiritus splendore illustrata, & faustæ promissionis letitia affecta, in tran-
quillitate versabatur, & animi gratiam cum pulchritudine oculorum præse ferebat:
quemadmodum de Davide scriptura cōmemorat. Re enim admirabili & salutatio-
ne gaudebat^{i. Reg. 16.} in qua summa lætitia continebatur. Facile igitur sapienterque Gabriel
Virgini persuasit, vt miraculum crederet? Non erit, inquiens, apud Deum impossibile
omne verbum.

Quid autem sequitur in Euangelio? Dixit autem Maria; Ecce ancilla Domini, fiat
mihi secundum verbum tuum. Prudentiam Virginis animaduertis? Vides præclaræ
cunctationis decus? Cùm enim foetus conceptionem & filij ortum intellexisset, & quis,
& cuius esset filius, & quo fore nomine appellandus, & cuius sedis successor, & quibus
imperaturus, & regni eius nullum finem futurum, statim lætissimam vocem emisit?
Ecce, inquiens, ancilla Domini, illud aperte significans? Ecce parata sum, & nihil pro-
hibet. Animus promptus est, vterus opportunitus, vtpotè minimè inquinatus, & soli
sernatus creatori. Ecce ancilla Domini, ad obediendum parata, ad seruendum ido-
nea, ad suscipiendum prompta. Fiat mihi secundum verbum tuum. Quoniam, inquit,
quoad fieri potuit, recte nunciasti, & quod faciendum est, diuina est gloria plenum. Ec-
ce ancilla Domini, fiat mihi secundum verbum tuum. O prouidentiam & gratiam ad-
mirabilem! ò consilium ab aeternitate præcognitum atque institutum. Verè spiritus
sanctus in Virgine inhabitabat, & virtus altissimi obumbrabat eam ex præfinito eius
consilio & præcognitione.

Et discessit ab ea Angelus. Cùm ea nimirum, quæ sibi mandata fuerant, perfecisset,
discessit ab ea Angelus? sed Dominus non discessit. Angelus enim, licet sit expers cor-
poris, loco tamen includitur. Dominus autem, quanvis in Virginis corpore atque
vtero capiatur, nullis tamen locorum terminis circumscribitur. Et ille quidem venien-
tem ad salutem hominum nunciauit ex Virginis vtero oriturum? Hic autem essentiam
nostram

Ephes. 1. nostram à se suscep tam reformauit, natura que imaginem ad dignitatem, quam contumacia primi parentes amiserant, restituit: etiamque supra omnem principatum, & potestatem, & virtutem, atq; omne nomen, quod in hoc, aut futuro seculo nominatur, prouectam, in cælesti solio collocauit. Ipsi gloria, & imperiū, & honor, & adoratio cum Patre & Spiritu sancto nunc & semper & in æterna secula, Amen.

ALOYSIVS LIPO MANVS EPISCOPVS
VERONENSIS, CANDIDO PIO'VE
Lectori.



Riusquam ad hunc, qui sequitur, Diu Iohannis Chrysostomi sermonem legendum accedas, benignus Lector, est quod te aliquantulum detineam, cautumque reddam. Videbis nanque magnum Chrysostomum ciudem hic esse sententia, cuius & in libro de excidio Hierosolymitanorum Eusebius & Eusebius Cesareensis libro 2. cap. 1. Ecclesiastica Historia, multique ex Græcis patribus fuisse leguntur: nempe beatissimum Ioseph sanctissimam Deiparæ sponsum, filios ex alia vxore suscepisse, & inter ceteros Iacobum Apostolum, cognomento fratrem Domini: Ea vero deinde repudiat, seu, ut alij volunt, premortua, in castitate vixisse, & liberos in disciplina & timore Domini educasse. Huius etiam opinionis fuisse videamus Diuum Hilarium Pictaurorum Episcopum, super Matthæum capite primo, & Diuum Ambrosium Mediolanensem Antistitem, super Epistolam ad Galatas capite primo. Chrysostomum quoque secutus est compilator eius Theophylactus Bulgaria Archiepiscopus, qui eundem Iacobum, & reliquos fratres, filios asserit fuisse Ioseph: sed alio modo, quam Chrysostomus autem. Cuus verba, ut melius res percipiatur, subiectam. Ait enim is super Matthæum capite decimotertio: Fratres habuit Dominus, & sorores, Ioseph filios, quos genuit ex uxore fratris sui Clopa. Mortuo enim absque liberis Clopa, Ioseph, iuxta legem, uxorem eius accepit, & pueros procreauit sex, quatuor mares, & duas foeminas: Mariam, quæ dicebatur Clopa filia secundum legem; & Salomen. Et haec quidem illæ. Vides igitur, quid magni vtriusque Ecclesiæ viri de B. Ioseph sentiant.

Ego, ut verum fatuar, & animum meum coram Deo, teque ac toto Christiano orbe testatum faciam: (pace sit dictum omnium horum præcellentium virorum, quos in alijs sequor plurimum, amplector, & tanquam venerabilissimos patres vehementer obseruo: at in hoc mihi placere nequaquam possunt) semper contraria tenui sententiam, tenereque profitebor usq; ad mortem: nisi sancta mater Ecclesia diuersum aliquid super hoc statuat: vel nisi quis me potentioribus & efficacioribus viscerit rationibus, ut à mea viuis recedam opinione. Credoque & firmiter teneo, beatissimam Virginis sponsum, virginem & ipsum fuisse; nec unquam pudicitia sua florem amisisse. Talem enim matrem, talem sponsum, & talem tantumque filium, talem putatium patrem habere par erat. Et nè ex meo cerebro hac eruta videatur sententia, tribus eam, si potero, enitar medijs confirmare: Sacra primùm ipsius scriptura fontibus, ijsque pie relectaque, & secundum germanum sensum deductis, constanti etiam, ut credimus, & quæ vincipon possit, ratione. Tum demum sanctorum aliquorum patrum autoritate. Quod nisi effecero, tum tu me imperita stultiæque arguio: atque ego liberam tibi concedam, quicquid volueris, credendi potestatem. Audi ergo diligenter & patienter ausulta, quæ pro hac sententia firmando tibi affero.

Ac primùm quidem id nobis exploradum censeo, num ex scripturis, quismam verus pater, & quæ vera mater fuerit Iacobi istius minoris, qui etiam dictus sit frater Domini, reperiiri posuit. Credoque non fore id difficile, immo ex propatulo loco satis constare. Sed assertio illa præmittenda, quam negare mihi nequaquam possunt etiam ij, qui vel sacras literas eminùs salutauerint: Scripturam nempe sacrâ quoties ita loquitur, Isaac Abraham, vel Iacob Isaac, hunc in auditum aures sensim & intelligentiam immittere, & non aliam, Isaac esse filium Abraham, & Iacob filium esse Isaac. Hoc Luce 3. capite maximè ostendere possumus, vbi genealogia Domini ex Ioseph ascendo usque ad Deum describitur. Dicitur nanque ibi: Et ipse Iesus erat in cipiens quasi annorum triginta ut putabatur, filius Ioseph, qui fuit Heli, subauditur filius: qui fuit Matthat, nempe filius:

S. Ioseph
perpetuo
virginem
mansisse.

Luc. 3.